

Usquequo peccatores Dómine, * usquequo peccatores gloriabuntur:

Effabuntur, et loquentur iniquitatem: * loquentur omnes, qui operantur in iustitiam?

Pópulum tuum Dómine humiliaverunt: * et hereditatem tuam vexaverunt.

Viduam, et advenam interfecerunt: * et pupillos occiderunt.

Et dixerunt: Non videbit Dóminus, * nec intelliget Deus Jacob.

Intelligite insipientes in populo: * et stulti aliquando sapiete.

Qui plantavit aurem, non audit? * aut qui finxit óculum, non considerat?

Qui corripit gentes, non arguet: * qui docet hominem scientiam?

Dóminus scit cogitationes hominum, * quoniam vanæ sunt.

Beátus homo, quem tu erudieris Dómine: * et de lege tua docueris eum,

Ut mitiges ei a diebus malis: * donec fodiatur peccatori fóvea.

Quia non repellet Dómi-

nus plebem suam: * et hereditatem suam non derelinquet.

Quoadusque iustitia convertatur in iudicium: * et qui juxta illam omnes qui recto sunt corde.

Quis consurget mihi adversus malignantes? * aut quis stabit mecum adversus operantes iniquitatem?

Nisi quia Dóminus adjúvit me: * paulo minus habitasset in inférno ánima mea.

Si dicebam: Motus est pes meus: * misericórdia tua Dómine adjuvabat me.

Secúndum multitudinem dolorum meórum in corde meo: * consolatiónes tuæ lætificaverunt ánima mea.

Numquid adhæret tibi sedes iniquitatis: * qui fingis labórem in præcepto?

Captábunt in ánima iusti: * et sanguinem innocentem condemnábunt.

Et factus est mihi Dóminus in refúgium: * et Deus meus in adiutoriúm spei meæ.

Et reddet illis iniquitatem ipsórum: et in malítia eó-

rum dispédet eos: * dispédet illos Dóminus Deus noster.

Ant. Ut viderunt eum jam mórtuum, non fregérunt ejus crura, sed unus militum lancea latus ejus aperuit, et continuo exivit sanguis et aqua.

V. Christus diléxit nos. **R.** Et lavit nos a peccatis nostris in sanguine suo.

Lectio sancti Evangelii secundum Joánnem.

Lectio vii. Cap. 19.

In illo tempore: Cum accipisset Jesus acétum, dixit: Consummátum est. Et inclinató cápite, tradidit spíritum. Et reliqua.

Homilia sancti Augustíni Epíscopi.

Tractatu 120. in Joánnem.



igilánti verbo Evangelísta usus est, ut non diceret: Latus ejus percússit, aut vulnerávit, aut quid aliud, sed aperuit; ut illic quodámodo vitæ óstium panderétur, unde sacraménta Ecclésiæ manaverunt, sine quibus ad vitam, quæ vera vita est, non intrátur. Ille

sanguis qui fusus est, in remissionem fusus est peccatórum. Aqua illa salutare téperat poculum: hæc et lavácrum præstat, et potum. Hoc prænuntiábat quod Noë in látere arcæ óstium fácere jussus est, quo intrárent animália, quæ non erant dilúvio peritúra, quibus præfigurabátur Ecclésia. Propter hoc prima múlier facta est de látere viri dormiéntis, et appelláta est vita, máterque vivórum. Magnum quippe significávit bonum, ante magnum prævaricatiónis malum. Hic secúndus Adam, inclinató cápite, in cruce dormívit, ut inde formarétur ei conjux, quæ de látere dormiéntis efflúxit. O mors, unde mórtui revivísunt! Quid isto sanguine mún- dius? Quid vulnere isto salúbrius?

R. Hic est, qui venit per aquam et sanguinem, Jesus Christus: * Non in aqua solum, sed in aqua et sanguine. **V.** In die illa erit fons patens dómui David, et habitántibus

Jerúsalem, in ablutióne[m] peccatóris. **Non.**

Lectio viii.

Tenebántur hómines captívi sub diabolo, et dæmónibus serviébant, sed redempti sunt a captivitate. Véndere enim se potuérunt, sed redímere non potuérunt. Venit Redemptor, et dedit pretium: fudit sanguinem suum, et emit orbem terrarum. Quæritis quid émerit? Vidéte quid déderit, et inveniétis quid émerit. Sanguis Christi pretium est. Tanti quid valet? Quid, nisi totus orbis? Quid, nisi omnes gentes? Valde ingrati sunt pretio suo, aut multum superbi sunt, qui dicunt, aut illud tam parum esse, ut solos Afros émerit, aut se tam magnos esse, pro quibus solis illud sit datum. Non ergo exsultent, non superbiant. Pro toto dedit, quantum dedit.

R. Prædestinavit nos Deus in adoptionem filiorum per Jesum Christum, * In quo habemus redemptionem per sanguinem ejus. **V.** Remissionem peccato-

rum secundum divitias gratiæ ejus, quæ superabundavit in nobis. **In.** Glória Patri. **In.**

Lectio ix. de Homilia Feriæ.

Lectio sancti Evangelii secundum Joannem.

Lectio ix. Cap. 11.

In illo tempore: Erat quidam languens Lázarus a Bethánia, de castello Mariæ et Marthæ soróris ejus. Et reliqua.

Homilia sancti Augustini Episcopi.

Tract. 49. in Joannem, post initium.

In superiori lectiõne meministis, quod Dóminus éxiit de manibus eórum, qui lapidare illum voluerant, et discéssit trans Jordánem, ubi Joánnes baptizabat. Ibi ergo Dómino constituto, infirmabatur in Bethánia Lázarus: quod castellum erat proximum Jerosólymis. María autem erat, quæ unxit Dóminum unguento, et extersit pedes ejus capillis suis, cujus frater Lázarus infirmabatur. Misérunt ergo soróres ejus

ad eum. Jam intelligimus quo misérunt: ubi erat Jesus: quóniam absens erat, trans Jordánem scilicet. Misérunt ad Dóminum, nuntiántes quod ægrotáret frater eárum, ut, si dignarétur, veniret, et eum ab ægritudine liberáret. Ille distulit sanare, ut posset resuscitare.

Te Deum laudamus. 24.

Ad Laudes

et per Horas.

Ant. 1. Hi qui amicti sunt * stolis albis, qui sunt, et unde venérunt?

Ps. Dóminus regnavit. cum reliquis. 25.

2. Hi sunt, * qui venérunt de tribulatione magna; et lavérunt stolas suas in sanguine Agni.

3. Ideo sunt * ante thronum Dei, et sérviant ei die, ac nocte.

4. Et ipsi vicérunt * draconem propter sanguinem Agni, et propter testaméntum Verbi sui.

5. Beati * qui lavant stolas suas in sanguine Agni.

Capitulum. Hebr. 9.

Fratres: Christus assístens pónitífex futurórum bonórum, per ámplius, et perfectius tabernáculum non manufactum, id est, non hujus creatiõnis, neque per sanguinem hircórum, aut vitulórum, sed per próprium sanguinem introívit semel in Sancta, ætérna redemptione in-vénta.

Hymnus.

Salvete Christi vúlnera, Iménsi amoris pignora, Quibus perénnes rívoli Manantrubéntis sanguinis.

Nitóre stellas vincitis, Rosas odóre et bálsama, Pretio lapillos Indicos, Mellis favos dulcédine.

Pervos patet gratíssimum Nostris asyllum méntibus; Non huc furor minántium Umquam penetrat hóstium.

Quot Jesus in prætorio Flagélla nudus éxcipit! Quot scissa pellis úndique Stillat cruóris gúttulas!

Frontem venústam, proh dolor!

Coróna pungit spínea, Clavi retúsa cúspide Pedes manúsque pérforant.

Postquam sed ille tradidit
Amans, volensque spiri-
tum,

Pectus feritur lancea,
Geminusque liquor exsilit.

Ut plena sit redemptio,
Sub torculari stringitur,
Suisque Jesus immemor,
Sibi nil reservat sanguinis.

Venite, quotquot crimi-
num

Funesta labes inficit:
In hoc salutis balneo
Qui se lavat, mundabitur.

Summi ad Parentis dex-
teram

Sedenti habenda est gratia,
Qui nos redemit sanguine,
Sanctoque firmat Spiritu.
Amen.

Justificati in sanguine
Christi. *R.* Salvi erimus
ab ira per ipsum.

Ad Bened. Ant. Erit san-
guis Agni vobis in signum,
dicit Dominus: et videbo
sanguinem, et transibo vos,
nec erit in vobis plaga dis-
perdens.

Oratio.

Omnipotens sempiternus
Deus, qui unigenitum
Filium tuum mundi Red-
emptorem constituisti, ac

eius sanguine placari vo-
luisti: concede, quaesumus,
salutis nostrae pretium so-
lemni cultu ita venerari,
atque a praesentis vitae
malis ejus virtute defendi
in terris; ut fructu perpé-
tuo laetemur in caelis. Per
eundem Dominum.

Et fit commemor. Feriae.

Ant. Lázarus amicus no-
ster dormit: eamus, et a
somno excitemus eum.

Angelis suis Deus man-
davit de te. *R.* Ut custodi-
diant te in omnibus viis
tuis.

Oratio.

Deus, qui ineffabilibus
mundum renovas sa-
cramentis: praesta, quaesumus,
ut Ecclesia tua et
aeternis proficiat institutis,
et temporalibus non
destituatur auxiliis. Per
Dominum nostrum.

Ad Primam.

In R. dicitur *V.* Qui
tuo nos sanguine red-
emisti.

Ad Tertiam.

Ant. Hi sunt.

Capit. Fratres: Christus.
ut supra. 149.

R. br. Redemisti nos Dó-
mine * In sanguine tuo.
Redemisti. *V.* Ex omni tri-
bu, et lingua, et populo,
et natione. *In.* Glória Pa-
tri. Redemisti.

V. Sanguis Jesu Christi
Filii Dei. *R.* Emundat nos
ab omni peccato.

Ad Sextam.

Ant. Ideo sunt.

Capitulum. Hebr. 9.

Si sanguis hircorum, et
taurorum, et cinis vi-
tulæ aspersione inquinatos
sanctificat ad emundationem
carnis: quanto magis
sanguis Christi, qui per
Spiritus sanctum semetipsum
obtulit immaculatum Deo,
emundabit conscientiam
nostram ab operibus
mortuis, ad serviendum
Deo viventi?

R. br. Sanguis Jesu Christi
Filii Dei * Emundat nos
ab omni peccato. *Emundat.*
Glória Patri. Sanguis.

V. Christus dilexit nos.
R. Et lavit nos in sanguine
suo.

Ad Nonam.

Ant. Beati qui lavant.

Capitulum. Hebr. 9.

Accipiens Moyses sangui-
nem vitulorum, et hircorum
cum aqua, et lana
coccinea, et hyssopo: ip-
sum quoque librum, et
omnem populum aspersione,
dicens: Hic sanguis testa-
menti, quod mandavit ad
vos Deus.

R. br. Christus dilexit
nos, et lavit nos * In san-
guine suo. Christus. *V.* Et
fecit nos regnum, et sa-
cerdotes Deo, et Patri. *In.*
Glória Patri. Christus.

V. Justificati in sanguine
Christi. *R.* Salvi erimus
ab ira per ipsum.

In II. Vesperis.

*Omnia ut in primis, praeter
ult. Psalm., cujus loco dicitur:*

Psalmus 147.

Lauda Jerúsalem Dómi-
num: * lauda Deum
tuum Sion.

Quoniam confortavit se-
ras portarum tuarum: *
benedixit filiis tuis in te.

Qui posuit fines tuos pa-
cem: * et adipe frumenti
satiat te.

Qui emittit eloquium su-
um terrae: * velociter cur-
rit sermo ejus.

Qui dat nivem sicut lanam: * nébulam sicut cinerem spargit.

Mittit crystallum suam sicut buccéllas: * ante faciém frígoris ejus quis sustinébit?

Emíttet verbum suum, et liquefaciet ea: * flabit spíritus ejus, et fluent aquæ.

Qui annúnciat verbum suum Jacob: * justítias, et judícia sua Israél.

Non fecit táliter omni nátióni: * et judícia sua non manifestávit eis.

V. Te ergo quæsumus, tuis fámulis súbveni. **R.** Quos pretiósó sánguine redemísti.

Ad Magnif. Ant. Habébitis autem hunc diem in

monuméntum: et celebrábitis eum solénnem Dómino in generatióibus vestris cultu sempitérno.

Et fit commemor. Feriæ.

Ant. Dómine, si fuíesses hic, Lázarus non esset mórtuus: ecce jam foetet quatríduánus in monuménto.

V. Angelis suis Deus mandávit de te. **R.** Ut custódiant te in ómnibus viis tuis.

Oratio.

Da nobis, quæsumus, omnipotens Deus: ut qui infirmitátis nostræ cónscii, de tua virtúte confidimus, sub tua semper pietáte gaudeámus. Per Dóminum.

I N D E X.

Orationis D. N. J. C. in monte Oliveti.	pag.	1
Commemoratio Passionis D. N. Jesu Christi.		45
Ss. Spineæ Coronæ D. N. J. C.		67
Lanceæ et Clavorum D. N. J. C.		82
Ss. Sindonis D. N. J. C.		98
Ss. Quinque Vulnerum D. N. J. C.	111	115
Pretiosissimi Sanguinis D. N. J. C.		132

